



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU SELJAČKE STRANKE

Broj: 03-07-6-895/08
Sarajevo, 16.02.2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Seljačke stranke za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Stranka nije ispoštovala odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.**

Na osnovu našeg pregleda, odnosno kontrole finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Seljačke stranke za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj : 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Seljačka stranka nije imala prihoda u 2007.godini.

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	0,00	

U godišnjem finansijskom izvještaju Seljačka stranka je iskazala ukupne rashode u iznosu 446,25 KM.

2. PREDSTAVLJANJE POLITIČKE STRANKE

Naziv političke stranke: Seljačka stranka. Skraćeni naziv je SS.

Politička stranka, Seljačka stranka je registrovana 16.05.2002. godine kod Osnovnog suda u Doboju pod brojem RP-1/02.

Sjedište političke stranke je u Modriči, Jovana Dučića broj bb.

Za zastupanje stranke ovlašteni su Gordana Vidović, predsjednik, Vladimir Usorac, podpredsjednik i Slobodan Vidović, predsjednik izvršnog odbora. Osoba ovlaštena za podnošenje finansijskih izvještaja za 2007. godinu je Bogdan Milašinović.

Organizacionu strukturu Seljačke stranke čini trideset (30) opštinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Seljačke stranke za 2007. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Seljačka stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka

Obim pregleda i kontrole finansijskih izvještaja Seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Izvršen je pregled godišnjeg finansijskog izvještaja Seljačke stranke za 2005. godinu i izdat izvještaj o pregledu sa mišljenjem revizora, nalazima i preporukama revizije.

Služba za reviziju je, takođe, izvršila pregled godišnjeg finansijskog izvještaja za 2006. godinu i izdala izvještaj o pregledu sa mišljenjem revizora, nalazima i preporukama da stranka treba da postupa u skladu sa odredbama člana 5. stav (1) Zakona o finansiranju političkih stranaka.

Realizovane preporuke:

Seljačka stranka je ispoštovala preporuke revizije date u izvještajima o pregledu koji se odnosi na odredbe člana 5. stav (1) Zakona o finansiranju političkih partija.

5. NALAZI I PREPORUKE

5.1. NALAZI

Seljačka stranka je prekršila odredbu člana 11. stav (3) Zakona o finansiranju političkih stranaka.¹

Na osnovu obavljene kontrole godišnjeg finansijskog izvještaja Seljačke stranke, utvrđeno je da nije dostavila obrasce 3-a (prilozi fizičkih lica), 3-b (prilozi pravnih lica), 3-c (prihodi političke stranke od imovine), 3-d (dobit pravnih lica u vlasništvu političke stranke), 3-e (nenovčane donacije i računi koje političke stranke nisu imale obavezu da plate, 3-f (prihodi iz budžeta) i 4-2 (troškovi propagande), što nije u skladu sa članom 5. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06).

¹ Do 31.03.naredne godine političke partije podnose finansijski izvještaj u formi koju odobri Centralna izborna komisija Bosne i Hercegovine . Ovaj izvještaj sadrži podatke utvrđene Izbornim zakonom . CiK BiH donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

5.2. PREPORUKE

Preporučuje se Seljačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbom člana 11. stav (3) Zakona o finansiranju političkih stranaka, odnosno da finansijske izvještaje dostavlja u roku i na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.*

Komentar

Seljačka stranka se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2007. godinu koji joj je dostavljen 10.01.2009. godine.

Mr.Hasida Gušić, šef Službe za reviziju

Nevenko Andan, revizor

Anela Burdžović- Kapić, pomoćnik revizora